



Cassete

Ce qui fut iadis vicieux
 Criminel ignominieux
 Aboli laisse reprouue
 Est par les aultres approuue
 Maintenant en ce present aage
 Par les aultres nouuel vsaige
 Nouveau rit coustume nouvelle
 Est gardee la chose est telle
 Mais ie ne puis pas bien penser
 En mon cueur ne contrepenser
 Lequel est le plus fol des deux
 Vsant du nouueau rit et vieux
 Du cil qui prent les grans coudetz
 Comme font vng tas de lourdetz
 Du cil qui porte manches larges
 Comme font maintenant les paiges
 Si non de dire quil me semble
 Que mectre se peuent ensemble

Mat. xviiij.

Comme deux folz car cest tout vng
 Si lung est bien noir lautre est brun
 Se lung est fol lautre lest plus
 Si lung boiteux lautre perclus
Ujadis estoit grande louange
 Qui maintenant seroit estrange
 Aux anciens peres porter
 Grande barbe. et deuez noter
 Que a seyemple de soctates
 Tous les philozophes apres
 Et auant quil fust mort portoient
 La barbe grant lesquelz estoient
 Rempliz de grande sapience
 Mais eulx decedez leur science
 Soy voyant par nous contempnee
 Sen est lassus au ciel volee
 Nous laissant ca bas tous inbertes
 Dont sont innarrables les pertes
Libidinite corrupue
 A commence faire repue
 Et tenir son cours par le monde
 Toutes vertuz et chose monde
 Dont les haultz cieulx sont decorez
 Ny sont plus mais sont demorez
 Tous mauyx tous vices et pechez
 Dont les humains sont entachez
Tout le monde se contrefait
 Et deussent ce que dieu a fait
 Par presumption contrefaire
 En cuidant mieulx que dieu les faire
 Qui est vng peche par trop grant
 Honteux sont et honte les prant
 De porter grant barbe au vsaige
 De peur de monstret leur vieulx aage
 Mais leurs corps et viz si bien gardent
 Si bien les acoutrent et fardent
 Que iamais ne deuiennent vieulx
 Se semble. et aussi leurs cheueux
 Les vngz comme sicambriens
 Et comme les ethiopiens
 Les portent tous craispes et tois
 Faisant a nature grans tois

li. Regu. x.

Socrates

Sycambri.
Ethiopes.